



Skýrsla Norðurlandsdeildar vestri 2017 - 2018

Í stjórn Norðurlandsdeildar-vestri eru:

Guðrún Elín Björnsdóttir, formaður 2017 -2019

Sigurlaug Dóra Ingimundardóttir, 2017 – 2019

Geirlaug Ingibjörg Jónsdóttir, 2017 – 2019

Svala Guðmundsdóttir, 2017 – 2019

Ásta Karen Jónsdóttir, 2018 – 2020

Elísa Ósk Ómarsdóttir, 2018-2020

Ágætu sjúkraliðar.

Norðurlandsdeild - vestri hélt sinn aðalfund 12. nóvember 2018 í Ljósheimum á Sauðárkróki. Súpa og brauð í boði deildar. María Ingiríður Reykdal sálfræðingur var með fyrirlestur um sálræna skyndihjálp. Sandra Bryndísardóttir Frank, formaður SLFÍ, komst því miður ekki vegna anna.

Stjórnin hefur haft nokkra stjórnarfundir á þessu ári. Notuðum mikið símann og facebooksíðuna *Sjúkraliðar Norðurlandsdeild – vestra*.

Á árinu voru þrjár félagsstjórnarfundir, í febrúar, maí og september, en því miður komust hvorki formaður né varaformaður á fundinn í maí. En þess má geta að allir félagsstjórnarfundir eru inn á heimasíðu SLFÍ.

26. nóvember 2016 var Evrópudagur sjúkraliða og í tilefni dagsins var félagið búið að láta gera, meðal annars, gleraugnaklúta og bönd fyrir starfsmannakort, sem var merkt SLFÍ. Sjúkraliðar á Sauðárkróki buðu starfsfólki og gestum upp á vöfflur sem voru bakaðar í anddyri HSN sem heppnaðist vel. Á Blönduósi var starfsfólki og gestum boðið upp á mandarínur og piparkökur, sem heppnaðist líka vel.

Í byrjun desember héldum við Litlu – jól í Félagsheimilinu Ljósheimar á Sauðárkróki og var ágætis mæting. Vorum með hátíðarmat, pakkaskipti og gamanmál og voru sjúkraliðar ánægðar með kvöldið.

Kosning um nýjan formann SLFÍ fór fram 3. – 10. apríl. Þrjár sjúkraliðar buðu sig fram, þær eru Guðrún Lárusdóttir sjúkraliði á gjörgæslunni við Hringbraut, Sandra Bryndísardóttir Franks sjúkraliði og stjórnsmálafræðingur með framhaldsmenntun í stjórnsýslufræðum og meistarapróf í lögfræði, Sigurlaug Björk J. Fjeldsted sjúkraliði og viðskiptafræðingur sem starfar á Landspítala – Landakoti. Félagið hélt fund til kynningar á frambjóðendum 15. mars í félagsaðstöðu sjúkraliða og var fundinum einnig streymt á netinu.

Nýr formaður var kosinn fyrir aðalfund félagsins sem var 15 maí og var Sandra Bryndísardóttir Franks kjörin formaður SLFÍ.

12. apríl fórum við í vorferð með sjúkraliðum á Norðausturlandi á Ólafsfjörð og fórum í skoðunarferð um Hornbrekku og heilsugæsluna.

Elín Arnardóttir var með kynningu á verksviði áfallateymis. Síðan lukum við deginum með því að fara í Höllina og fá okkur pizzahlaðborð. Þetta var mjög skemmtileg ferð og gaman að hitta sjúkraliðana á Norðausturlandi.

Þann **26. apríl 2018** fór formaður á ráðstefnu um réttindi aldraða með áherslu á þjónustu.

Í maí útskrifuðust sex sjúkraliðar frá Fjölbrautaskólanum á Sauðárkróki og voru þeim færðar ein rauð rós og lykillinn frá SLFÍ.

EPN ráðstefna í Færeyjum var **7. – 8. júní** og var yfirskriftin Vinnuumhverfi og símenntun. Langar að nefna hér, sem var mjög áhugavert, að aflþjálfun eru æfingar kallaðar sem þjálfva vöðva sem við notum í okkar vinnu, t.d. hið svokallaða teygjuband. Slíkar æfingar er skylt að gera á vinnutíma í Kaupmannahöfn.

19. ágúst fór formaður í sjúkraliðaferð til Vestmannaeyjar en það var Reykjavíkurdeild, Suðurlandsdeild, Suðurnesjadeild og Vesturlandsdeild sem skipulögðu ferðina, sem var vel heppnuð í alla staði. Takk fyrir mig. Þessi ferð var í boði fyrir alla sjúkraliða á landinu. Á næsta ári verður farið í Þórsmörk. Hægt að lesa grein um ferðina í Sjúkraliðablaðinu 4.tbl. 32. árgangur október 2018 eða á vef SLFÍ.

Í ágústmánuði setti formaður fram Hugmyndabanka ef það væri eitthvað sérstakt sem þið vilduð leggja áherslu á í nk. kjarasamningum, það bárust 3 tillögur í þennan banka.

Í september fóru nokkrir sjúkraliðar í bíó á Sauðárkróki og sáum myndina *Lof mér að falla*.

Trúnaðarmannaráðsfundur var 27. september 2018 og mættum við trúnaðarmennirnir á Sauðárkróki, Guðrún Elín Björnsdóttir og Sigurlaug Dóra Ingimundardóttir og Þóra Sverrisdóttir trúnaðarmaður á Blönduósi. Á þeim fundi var áhugaverður fyrirlestur um *Kulnun í starfi*.

Í lok september fór fram kosning á tveim trúnaðarmönnum fyrir HSN á Sauðárkróki og einn trúnaðarmann fyrir HSN á Blönduósi.

Guðrún Elín Björnsdóttir og Sigurlaug Dóra Ingimundardóttir voru kosnar sem trúnaðarmenn fyrir HSN á Sauðárkróki og Jakobína Björg Halldórsdóttir var kosin sem trúnaðarmaður fyrir HSN á Blönduós.

Þann **13. október** bauð Orlofssjóður SLFÍ sjúkraliðum og fjölskyldum þeirra að skoða fallegu orlofshúsin sem félagið festi kaup á í mars 2018. Þessi hús eru við Hlíðarfjall á Akureyri við götu sem heitir Holtaland.

17. – 19. október sótti formaður 45. BSRB þing og var yfirskrift þingsins *Bætt lífskjör – betra samfélag*. Einnig fór fram kosning á nýju formanni en Elín Björg Jónsdóttir gaf ekki kost á sér áfram. Tveir voru í framboði, Sonja Ýr Þorbergsdóttir og Vésteinn Valgarðsson.

Sonja Ýr Þorbergsdóttir var kjörin formaður BSRB með yfirgnæfandi meirihluta atkvæða. Hægt er að lesa um þingið á heimasíðu BSRB.

Samstaða er afl sem ekkert fær staðist.

Stjórnin vill þakka góðar stundir á árinu.